


Yo wudu-waa
abali ishingu t'e
kpuba le Aji Esweta
ono; Jisosu ejeshia
Bétani. Bétani bu mkpukpu,
Lázarosu bu; bu iya bu nwoke
ono, o mejeru; yo shi l'onwu
teta ndzu ono.



Ya ndono; Méri
egbeshi je ewota
akpamu ọbu, ọ nọ
mbụ manụ-mbeleke,
e gude nadụ, guru egugu
mee. Manụ ono bẹ aazụ l'oke
aswa. Yo wota iya bya
etee Jisọsu l'ọkpa; gude
ẹgbushi, nọ iya l'ishi
efucha iya ẹya. Mkpọ manụ ono
atụko ụlo ono gvua kfurukfuru.



Júdasu Isukáriyọtu, bụ onye lanụ l'ụmadzu iri l'ẹbo ono, etsoje ụzo Jisọsu ono ejekfushia ndu ishi ndu achijeru Nchileke ẹja; k'ọphu oo-deru Jisọsu ye ẹphe l'ẹka.

Yo kfutsuaru iya ẹphe; ẹhu atsoo ẹphe ẹna; ẹphe ekweta iya ụkwa l'ẹphe a-nụ iya okpoga.

Júdasu achọlahaa ẹge oo-shi deru iya ye ẹphe l'ẹka.




Tọ dọ iya bụ; ndu etsoje ụzo iya emee ya ẹge ono, Jisọsu kfulu ẹphe ono. Ẹphe anọdu l'ẹke ono; kwakọbelahaa ke Aji Esweta ono. Ẹphe egudekwadua nri ono l'eri; Jisọsu ewota buredi; kele Nchileke ekele; washia ya; woru iya nọ ndu ono, etsoje ụzo iya ono; sọ ẹphe: "Unu nata; taa; ọwaa bụ ugwehu iya."




Yo wotakwaphu okoro, mee no;
kelebebe Nchileke ekele; woru iya
nu epe; su: "Unu ngua ya l'unu ha;
owaa bu mee yebe Jisusu; mbu
mee, e gude okfu ehu igweligwe
madzu loka; k'ophu Nchileke a-guru
epe nu l'ipe du eji, epe meshiru.
Nchileke gude mee ya ono eme
t'ogba-ndzu, shi iya l'eka
vuru ire."



A nonyaa; Jisosu ekua Pyita: "Sáyimonu; Sáyimonu; Sétanu sukwaru t'a haa ya tẹ ya datakọta unu l'unu ha; k'ọphu ya á-phúchá unu l'ọ bụ onye aphụcha ẹswa ereshi. Obenu lẹ ya kfuwaru nụ Nchileke tẹ ekwekwe ngu ba afonga afonga. Ọo ya bụ teke i laphutaleruphu azụ lakfuta iya; nggu eje emee ụnwunna ngu t'ẹphe vudoshia ike."



Pyita asụ iya: "Nnajiufu; ya kwakọbeekwaru
onwiya k'otso ngu jee mkporo; m'ọ bụ laa maa." Jisọsu
asụ iya: "Tẹ ya karu ngu; Pyita: oke-ọku nchi-abọhu
-bya ara ọra; b'i tųakwaru ẹgo ụgbo ẹto;
l'ẹ tị madu onye ya bụ."



E meebe; Jisosu yele ndu etsoje ụzo iya ejeshia ẹke eekuje Getusémeni. Ẹphe erutsulephu ẹke ono; yọ sụ ndu ono, etsoje ụzo iya ono: “Unu dugaru l'ẹke-a tẹ ya kpiribe nwanshi je ekfuru nụ Nchileke.” Yọ sụ: “Nna! Nna! Ọ bụ nggu bụ onye a-dụ ike mekota iphemiphe ọbule. Pafunu iya okoro iphe-ẹhuka-wa l'ẹhu. Ọlobu; t'ẹ b'ọ bukwa iphe nọ iya l'obu e-me. Ọ kwa ọphu bụ uche-obu ngu e-me.”



Tọ dụ iya bụ; Júdasu egbeshi byatashia ẹke ono. Ndu ishi ndu achijeru Nchileke ẹja; mę ndu Fárisii eyeru iya ndu soja ndu Rómu; bya eyeru iya ndu nche eze-ulo Nchileke; ẹphe l'iya atuko yiru. Ẹphe achigbaaru urọku; chiru itsu-ọku; mę ngwa-ọgu gude abya. Onye lanu l'ime ẹphe amifuta mma iya; gbua ya ohu eze onye ishi ndu achijeru Nchileke ẹja; kwata iya nchi ẹka-utara. Obenu ẹ Jisosu suru: "Be emehekwa ọdo." Jisosu abya ebyia ya ẹka ẹ nchi ono; yọ dụ iya ẹge ọ dühawa iya.



Ḙphe akpachia Jisosu; kpuru iya jeshia ufu-eze onye
ishi ndu achijeru Nchileke eja. Pyita etso Ḙphe ote-ḗnya
ote-ḗnya l'uzo azu. Ḙphe aphunwulephu oku
l'ogbodufu ono; bya
ado-ḗhee ya
mgburumgburu
l'anya; Pyita abya
anonyabe ḗphe.



Onye lanu le ndu ejeru
eze onye ishi ndu ono,
achijeru Nchileke aja
ono ozi, bu abubu
nwoke ono, Pyita
kwataru nchi ono aji
Pyita; su iya: "?Ya ta
phudunua nggu l'iya l'ime
mgbabu phu?" Pyita
agokwaaphu odo. Teke ono
teke onophu; oke-okwu arawaphu
ora. Pyita egbeshi; lufushia etezi je
anodu rashia ekwa ike.



Ya ndono; mkporo-ọha ono awụ-lihu;
kputa Jisọsu kpujeshiaru Páyileti. Ya
ndono; Páyileti aji Jisọsu; sụ iya:
“?Bụ nggu bụ Eze ndu Ju?” Jisọsu
asụ iya: “Ọ kwa nggu
b'o shi ọnu.” Páyileti
abyakwa bya ekfuru
yeru ẹphe ọdo; l'ẹke
oomekwanu tẹ ya haa

Jisọsu. Ẹphe atuko tịa ụzo
ọdo; sụ: “Kpọpyabe iya


l'oshi-osweru! Kpọpyabe iya
l'oshi-osweru!”




Ya ndono; Páyileti akpuru Jisosu nū
ndu soja t'ẹphe je akpopyabe iya
l'oshi-osweru. Tọ dọ iya bụ; ẹphe
akputa Jisosu; ẹphe l'iya ayiru tųgbua.
Yọ bụru iya vu oshi-osweru iya; vua ya
jeye l'ẹke ọbu, eekuje Okpokoro Ishi.
Iphe eekuje ẹke ono l'okfu Híburu bụ
Gọlugóta.



Yọ bọru l'ẹke ono bẹ ẹphe
kpọpyaberu iya l'oshi-osweru. Ẹphe
kpọpyabekwaruphu unwoke labu
odo l'ẹke ono: onye lanu
l'ẹka iya ọwaa;
onye ọphu l'ẹka
iya ọphu. Jisọsu
anodu ẹphe
l'echilabu.



Enyanwu ejikputa; ekwa, eegechitaje onu-uzo ime ulo obu, bu iya bu enya eze-ulo Nchileke agbalephu tarara: lajahu ebo. Jisosu echia mkpu; su: "Nna; ya yeru ngu ume iya l'eka." Yo kfuebelephu ege ono; tubua ume.



Ya ndono; Jósefu, bụ onye Arimatíya
ejekfushia Páyileti. Jósefu onó
bụ onye nweru ẹnya l'ogbo
ikpe ndu Ju.



O shihakpowa teke teru etete leta
enya teke Nchileke e-koshi l'oo ya
bu eze. Ya ndono; yo gude
obu-nwoke jekfushia
Páyileti je aroo ya te ya
pata odzu Jisosu je
elia.

Jósefu eje anmata
ekwa ocha; bya
apatsuta odzu Jisosu;
woru ekwa ocha ono
nmaa ya; je eworu iya
nyobe l'ili, a turu
l'ogba mkpuma. Yo
metsua bya eswita
mkpuma, du egvu
swichia onu ili ono.



Yo be echile iya, bu iya bu mbõku
õtu-ume; ndu ishi ndu achijeru
Nchileke eja; mẽ ndu
Fárisii abya edzua l'ifu
Páyileti; su iya: . . .



. . . "Nnajiufu; mę ęphe nyatakwaru
l'o nweru teke nwoke ono,
dzugburu onwiya l'ęjo-ire
ono sųjeru teke ọ nọ; lę:
'A -nọ abalı ębo gaa
lę kę ęto; bę ya e-shi
l'ọnwu teta nọdu
ndzų ọdo.'"



"Ya ndono; ephe atugbua je eworu
iphe kpụ-chishikpoo onu ili
ono ohuma; mee ya
iphe-ohubama; woru
ndu nche ye iya.
A wata iya oche nche."



Mbọku ọtu-ume esweebelephu;
l'oswi ngguge-ngguge ụtsu mbọku
Sonde; Méri ke Mágudala;
me Méri ophunanu
atụgbua jeshia l'ili ono.



E ji ekfu-a; alì awatawaphụ ọnma
oke jijiji; ke l'o nweru ojozi-imigwe,
shi l'ẹka Nnajiufu, shi l'imigwe
phezita; bya eswifu eze
mkpuma ono; metsua
nọ-kirishia l'eli iya.

Ndu nche ono
atsụhu egvu; nmahu
kpakpakpa;
dabutsuwarua l'ọ bụ
ndu nwụhuru
anwụhu.




Ojozi-imigwe ono asụ ụnwanyi ono:
“Unubedua; unu ba tsushi egvu. Ya
makwaru-a l'ọo Jisusu ọphu a
kpopyaberu l'oshi-osweru;
be unu achọ. E to
nọhekwa l'ẹke-a. O
tetaakwaru ẹge ono,
o kfuhawaru unu
ono. Unu bya

aphụ ẹke o shi
daburu.”



Ḑphe egude ọtsu-egvu; me ẹhu-ọtso-ẹna
vuta ọso; jeshiaru iya ọkoru ndu etsoje
uzo Jisọsu. A bya ele ẹnya; Jisọsu
abyakfutashia unwanyi ono;
bya ekele ẹphe: “Unu etehu-o!”
Ḑphe agbakfube iya; bya adaa
l'ali; gudegbaa ya ẹka l'ọkpa
ẹphe ẹbo; baaru iya ẹja.





E meebe; Jisọsu ewokwaruphu onwiya koshi ụmadzu iri ị nanụ ono l'onwephe l'ẹke ephe nọ eri nri. Yọ baaru ephe mbà l'ephe te ekwetajedu ekweta; mę l'okpoma nmaru ephe egbudegbu; okfu l'ephe te kwetadu l'iphe ndu ono, phuru iya nụ ị ya tetatsuaru nọdu ndzụ ono kfulu bụ oswi-okfu. Ya ndono; Nnajiufu, bụ Jisọsu ekfugetsuaru ephe okfu ono; Nchileke ewolia ya woba l'imigwe. Yo je adugaru l'eka-utara Nchileke.



Lẹ Nchileke yenukaru ndiphe obu;
yetaberu iya ẹphe; k'ọphu ọ bụ Nwa
lanụ, o nweru kpụu b'o woru nụ; k'ọphu
onye wokwanuru onwiya ye Nwa
iya ono l'ẹka ta aladu l'iyi; yo
nwechiaru ndzụ gbururu
jeye.



Rómu 3:23 okfu l'onyemonye ọbule mewaru iphe dụ ẹji; shi ẹge ono nafu onwiya ugvu, dụ biribiri, Nchileke meru t'ọ kwabẹ iya.

Rómu 6:23 L'ugwo, iphe dụ ẹji akfuje madzụ kwa ọnwu. Iphe-oma, Nchileke anuje abụkwanuru ndzụ gbururu jeye ọphu shi l'ẹka Jisọsu Kuráýisutu, bụ Nnajiufu ayi.

Híburu 9:27 Iphe nọru onyemonye ọbule bụ l'onyemonye ọbule nwuhufutaje anwuhu ugbo lanu. Ọ -nwuhutsulephu; iphe ọdo, e-tso iya nụ bụ lẹ Nchileke e-kpe iya ikpe.



Éfesosu 2:8,9 Ọ bụ eze-iphe-oma ke Nchileke b'o gude dzota unu. Adzota ono, a dzotarun unu ono shi l'ekwekwe, unu kweru ke Kuráyisutu. E to nwekwa iphe odo, unu eyekwadu iya odo. Adzota ono ta budu obunggo ke iphe unu seru akanya iya. Ọ bulephu iphe-oma, Nchileke meru unu ewoma. E to nwekwa iphe bu iphe unu e-gude l'asa nsasa k'egbe iphe unu meru.

Rómu 10:9,10 Teke o bu l'i gude onu ngu kfua ya kfushia ya ike l'eke ndu odo no l'oo Jisusu bu Nnajiufu obu; bya egude okpoma ngu l'o ha kweta le Nchileke meru iya; yo shi l'onwu teta nodu ndzu; be Jisusu a-dzota ngu. Onye gude obu iya l'o ha woru onwiya ye Kuráyisutu l'eka be Nchileke a-gu l'onye doberu aka ndoo. Onye gude onu iya kfufuta iya l'edzudzu oha; be Kuráyisutu a-dzota.



Jonu 3:16,17 "Le Nchileke yenukaru ndiphe obu; yetaberu iya e phe; k'ophu o bu Nwa lanu, o nweru kpuru b'o woru nu; k'ophu onye wokwanuru onwiya ye Nwa iya ono l'eka ta aladu l'iyi; yo nwechiaru ndzu gbururu jeye. Iphe Nchileke gude zi Nwatibe iya t'o bya le mgboko ta bukwa t'o bya ekpee ndiphe ikpe. Iphe o byaru buchikwaa t'o buru l'eka iya be ee-shi dzoo ndiphe.

1 Jonu 5:11-13 Ekebe ono be bu le Nchileke nuru ayi ndzu gbururu jeye; ndzu ono aburu l'ehu Nwa iya ono b'o shi. Onye yele Nwatibe Nchileke ono tugbaberu buru nanu; nweekwaru ndzu ono. Onye yele Nwatibe Nchileke ono ta tugbabetu buru nanu; te nwekwa ndzu ono. Iphe-a, mu ede-wa bukwa unubedua, woru onwunu ye Nwatibe Nchileke ono l'eka be mu ederu iya: t'unu makwanuru l'unu nwewaru ndzu gbururu jeye ono.



Mátiyu 26-28; Luku 22-24; Jõnu 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ikwo Bible (iqw) © 2014 Wycliffe Bible Translators, Inc. in
cooperation with Abakaliki Literacy and Transl

<https://www.bible.com/bible/1599/GEN.1.IKWO>

©2026 Bible for Children, Inc.

www.M1914.org

www.bibleforchildren.org

